



京報

裕

片一

尾張文庫  
文庫 19  
F 44  
18  
早稲田大学図書蔵

六

裕

查此等州高坊穀裕額三額并

許應驂

指寫處字有錯

冬月廿二日

京報

卷一

光緒二十一年十一月十二日

光緒二十一年十一月十二日

光緒二十一年十一月十二日

諭旨錄

張中堂

奏

請

十一月十二日戶部通政司詹事府正白旗值日無引見 鳳鳴前  
往明陵請訓 前奉天學政張英麟到京請安 秀吉前往薊州接  
防請訓 恩順謝授左庶子恩 福中堂文璧各續假十日 英信  
花尚阿各請假十日 鍾公續假五日 召見軍機 張英麟 秀  
吉 皇上明日郊正至 壽皇殿行禮

止諭順天府奏請將知縣撤任查看等語署保定縣知縣黃士杰署  
永清縣知縣龔蔭培辦理冬撫諸多草率均著即行撤任交孫家鼐  
等隨時查看另片奏安平公所等善堂及翼善堂紳捐義賑各款撥  
案核獎請飭部立案各等語均著依議行欽此 上諭步軍統領衙  
門奏拿獲結夥持械搶劫拒傷事主盜犯請交刑部審辦一摺所有  
拿獲之趙四卽趙椿爾王二卽王二格李三卽李老黑等三名均著  
交刑部審明按律懲辦出力員弁等著俟刑部定案時聲明請旨該  
部知道欽此 上諭御史恩溥奏都察院左副都御史奕年把持專  
擅私心自用於同僚時有忿爭接見科道遇有瑣城者在坐必諷示  
其聞故亂黑白每月堂參之期與司坊官耳語許久顯係授意營私  
京畿道御史諛媚奕年於該衙門飯銀內扣送分資請飭查辦等語  
著派徐桐榮祿按照原奏各節確切查明據實覆奏毋稍徇隱欽此  
上諭前經降旨將甘肅甯夏鎮總兵衛汝貴革職拿問交刑部治罪  
屢經催解據報起程迄今尚未解到實屬延玩著盛京副軍直隸總  
督嚴飭沿途地方官查明行抵何處迅即押解來京毋任逗留欽此

奏聞故亂黑白每月堂參之期與司坊官口語許久顯係授意營私  
高職道御史諛媚奕年於該衙門飯銀內扣送分資請飭查辦等語  
著派徐桐榮祿按照原奏各節確切查明據實覆奏毋稍徇隱欽此  
上諭前經降旨將甘肅甯夏鎮總兵衛汝貴革職拿問交刑部治罪  
原經催解據報起程迄今尚未解到實屬延玩著盛京將軍直隸總  
督嚴飭沿途地方官查明行抵何處迅即押解來京毋任逗留欽此

大學士管理吏部事務臣張之萬等謹 奏為遵

旨議處具奏事內閣鈔出光緒二十年十月二十七日奉

上諭本日倉場衙門奏片一件指寫處字有錯誤非尋常  
疏忽可比詳麟許應駁均著交部議處欽此欽遵到部查  
定例抬頭錯誤者司員罰俸三個月堂官罰俸一個月公  
罪若非尋常錯誤仍從重論又律載凡不應得為而為之  
事理重者杖八十係公罪降二級留任又議處事件例輕

而案情較重者即照加等之例辦理又由降留加等者自  
一級至三級酌量遞加止於革職留任各等語此案倉場  
侍郎祥麟等奏片拾寫處字有錯誤欽奉 諭旨非尋  
常疏忽可比祥麟許應駉均著交部議處等因臣等查該  
侍郎等此次奏片拾寫處字有錯誤未便按尋常拾頭錯  
誤罰俸例辦理若僅照不應重公罪律議以降二級留任  
尚覺例輕案重自應從重引律加等議處應請將倉場侍

郎祥麟許應駉均照不應重公罪律降二級留任例加等  
議以革職留任所有臣等遵 旨議處緣由理合恭摺

具陳伏乞 皇上聖鑒訓示遵行謹 奏 旨已錄

0

裕德等片 再御史鍾德祥奏稱資州知州高培穀浮收  
錢糧每兩納錢二吊七百文及勒取戶糧房費每名繳銀  
三四千兩州民有高老典之詔等語據委員查覆該州錢  
糧向章用錢完納每兩收錢三千及二千八九百文光緒

五年經州民上控查明稟准每兩納錢二千七百五十文  
該員仍遵前數收納並無浮收該州新吏叅費名目於十  
二年通行禁革額設戶房典吏三名係由該員選充並無  
勒取房費情事取具切結所充書吏不盡依名次先後致  
多缺望是以有高老典之譴又原奏內稱上年因李敬釗  
賭案羅織百數十名概係有家子弟赴省肄業生員亦被  
鈎拘縱差橫索賄錢控成都府有案等語據查李敬釗賭

案係光緒十一年早經訊結並無上控成都府之案惟十  
九年五月自訪聞蘇敬廷賭案係差役黃清林松李林等  
承喚調查卷宗原供同賭者十一人儘數差拿其後輾轉  
供出陸續差傳者二十人所供文生李傳心李傳統二人  
在省肄業該州以傳喚未到稟請斥革經督臣以省中正  
紳頗有為之抱不平者批交成都府提訊嗣經訊明並無  
同賭抗傳情事將李傳心李傳統開復仍發學戒飭以示

薄懲本年札發到州四月間該員復因李傳心等抗傳不  
到稟請斥革現據李傳心之父教職李起興呈控訊據供  
稱其子於去年十月結案後赴京鄉試並無抗傳情事懇  
請開復又原奏內稱該員向富民借貸許以稅契扣還悉  
由門丁及劣紳曾誠齋關說過交進即因案誣指收卡受  
刑曾以縱差褫革生員王汝璉等語現經提傳門丁曾安  
友曾誠齋到省隔別研訊會供並無經手借貸關說過交  
之事再三究詰矢口不移文生王汝璉係因陳道平控案  
過付書差錢文將陳道平所寄之錢挪用經該員說明稟  
辨斥革尚無不合臣等按照原奏各節逐一詳查惟蘇敬  
廷賄案該員迭次提訊差喚旋拿旋供旋拿先後至  
三十餘人之多以五月初間犯賭之案追及正月初間同  
賭之人至七月底尚追拿未息輒轉株連不無擾累原奏  
謂為羅織寔非無因應請 旨將資州知州高培穀交

部議處至文生李傳心李傳統前據成都府說明並無聚賭抗傳情事迨發學戒飭訊據其父供稱寔係赴京鄉試並非有意抗傳應由四川學政查明開復曾誠齋詎無闕說過交情獎應毋庸議門丁曾安差役黃清林松李林等雖無橫索賄錢實據惟既招物議未便姑容應分別驅逐草役至原奏所請川省州縣差役過多流毒尤甚各節已由臣等咨行該省通飭所屬嚴切裁禁以除蠹害所有臣

等查明知州高培穀被參各緣由謹附片具陳伏乞

皇上聖鑒謹 奏奉 硃批另有旨 上諭前據御史鍾

德祥奏四川資州知州高培穀浮收錢糧勒取規費各節當經諭令裕德等確切查辦茲據查明覆奏高培穀雖無浮收勒取等情事惟於蘇敬廷賄案輾轉至七閱月之久株連至三十餘人之多不無擾累高培穀著交部議處餘著照所議鞫贖違盜



城臣於十月十六日派委印務協領文瀛將江甯將軍印  
信及文卷令箭火牌等件齎送兼署將軍張之洞接收臣  
即於是日交卸趕緊起程遵 旨北上所有微臣卸篆  
日期理合恭摺具 奏伏乞 皇上聖鑒謹 奏奉  
硃批知道了欽此

普道胆賦國高詩楚蘇參公翰山難謂崇具

城信印

十  
和  
八  
月  
九  
日

